



保定  
無誤

詩

經

道春點

上

□ 12  
1913  
3



口口口  
1919  
3

詩傳序

或有問於予曰。詩何爲而作也。予應之曰。人生而靜。天之性也。感於物而動。性之欲也。夫既有欲矣。則不能無思。既有思矣。則不能無言。既有言矣。則言之所不能盡。而發於咨嗟咏歎之餘者。必有自然之音響節族。而不能已焉。此詩之所以作也。曰。然則其所以教者何也。曰。詩者。人心之感物而形於言之餘也。心

言解月  
之所感有邪正。故言之所形有是非。惟  
聖人在上則其所感者無不正。而其言  
皆足以爲教。其或感之之雜而所發不  
能無可擇者。則上之人必思所以自反  
而因有以勸懲之。是亦所以爲教也。昔  
周盛時。上自郊廟朝廷。而下達於鄉黨  
閭巷。其言粹然無不出於正者。聖人固  
已協之聲律而用之。鄉人用之。邦國以  
化天下。至於列國之詩。則天子巡守亦

必陳而觀之。以行黜陟之典。降自昭穆  
而後。寢以陵夷。至於東遷而遂廢不講  
矣。孔子生於其時。旣不得位。無以行勸  
懲黜陟之政。於是特舉其籍而討論之。  
去其重複。正其紛亂。而其善之不足以  
爲法。惡之不足以爲戒者。則亦刊而去  
之。以從簡約。示久遠。使夫學者卽是而  
有以考其得失。善者師之。而惡者改焉。  
是以其政雖不足以行於一時。而其教

詩經序  
實被於萬世是則詩之所以爲教者然也。曰然則國風雅頌之體其不同若是何也。曰吾聞之凡詩之所謂風者多出於里巷歌謠之作。所謂男女相與詠歌各言其情者也。唯周南召南親被文王之化以成德而人皆有以得其性情之正。故其發於言者樂而不過於淫哀而不及於傷。是以二篇獨爲風詩之正經。自邶而下則其國之治亂不同人之賢

否亦異其所感而發者有邪正是非之不齊而所謂先王之風者於此焉變矣。若夫雅頌之篇則皆成周之世朝廷郊廟樂歌之詞。其語和而莊其義寬而密。其作者往往聖人之徒。固所以爲萬世法程而不可易者也。至於雅之變者亦皆一時賢人君子。閔時病俗之所爲而聖人取之其忠厚惻怛之心。陳善闕邪之意。尤非後世能言之士所能及之。此

詩之爲經所以人事浹於下天道備於上而無一理之不具也。曰然則其學之也當奈何。曰本之二南以求其端參之列國以盡其變正之於雅以大其規和之於頌以要其止此學詩之大旨也。於是乎章句以綱之訓詁以紀之諷詠以昌之涵濡以體之察之情性隱微之間審之言行樞機之始則脩身及家平均天下之道其亦不待他求而得之於此矣。問者唯唯而退。余時方輯詩傳因悉次是語以冠其篇。云淳熙四年丁酉冬十月戊子新安朱熹書。

詩經目錄

國風

周南

十一之一篇

關雎

葛覃

卷耳

樛木

蟋蟀

桃夭

兔置

采芣

漢廣

汝墳

麟之趾

召南

十一之十四篇

鵲巢

采芣

草蟲

采蘋

甘棠

行露

羔羊

殷其雷

Blank page with faint bleed-through text from the reverse side.

標有梅 小星 江有汜 野有死麕

何彼穠矣 騶虞

邶風 一之三 九篇

柏舟 綠衣 燕燕 日月

終風 擊鼓 凱風 雄雉

匏有苦葉 谷風 式微 旄丘

簡兮 泉水 北門 北風

靜女 新臺 二子乘舟

鄘風 一之四 十篇

柏舟 牆有茨 君子偕老 桑中

鶉之奔奔 定之方中 蟋蟀 相鼠

干旄 載馳

衛風 一之五 十篇

淇奧 考槃 碩人 氓

竹竿 芄蘭 河廣 伯兮

有狐 木瓜

王風 一之六 十篇

黍離 君子于役 君子陽陽 揚之水

中谷有推 兔爰 葛藟 采芣

大車 丘中有麻

鄭風 一之七  
二十一篇

緇衣 將仲子 叔于田 大叔于田

清人 羔裘 遵大路 女曰雞鳴

有女同車 采芣 崧兮 狡童

褰裳 丰 東門之墀 風雨

子衿 揚之水 出其東門 野有蔓草

溱洧

齊風 一之八  
十一篇

雞鳴 還 著 東方之日

東方未明 南山 甫田 盧令

敝笱 載驅 猗嗟

魏風 一之九  
七篇

葛屨 紛沮洳 園有桃 陟岵

十畝之間 伐檀 碩鼠

唐風 一之十  
十二篇

蟋蟀 山有樞 揚之水 椒聊



綢繆

杖杜

羔裘

鵲羽

無衣

有杖之杜

葛生

采芩

秦風

十一篇

車鄰

駟驥

小戎

蒹葭

終南

黃鳥

晨風

無衣

渭陽

權輿

陳風

十二篇

宛丘

東門之枌

衡門

東門之池

東門之揚

墓門

防有鵲巢

月出

株林

澤陂

檜風

十三篇

羔裘

素冠

隰有萋楚

匪風

曹風

十四篇

蟋蟀

候人

鵲鳩

下泉

豳風

十五篇

七月

鴝鵒

東山

破斧

伐柯

九罭

狼跋

小雅

鹿鳴之什 十二之一

鹿鳴 四牡 皇皇者華 常棣

伐木 天保 采芾 出車

杖杜 南陔

白華之什 十二之二

白華 華黍 魚麗 由庚

南有嘉魚 崇丘 南山有臺 由儀

蓼蕭 湛露

彤弓之什 十二之三

彤弓 菁菁者莪 六月 采芑

車攻 吉日 鴻雁 庭燎

沔水 鶴鳴

祈父之什 十二之四

祈父 白駒 黃鳥 我行其野

斯干 無羊 節南山 正月

十月之交 雨無正

小旻之什 十二之五

小旻 小宛 小弁 巧言

何人斯

巷伯

谷風

蓼莪

大東

四月

北山之什

十二之六  
十篇

北山

無將大車

小明

鼓鐘

楚茨

信南山

甫田

大田

瞻彼洛矣

裳裳者華

桑扈之什

十二之七  
十篇

桑扈

鴛鴦

頍弁

車牽

青蠅

賓之初筵

魚藻

采芣

角弓

菀柳

都人士之什

十二之八  
十篇

都人士

采芣

黍苗

隰桑

白華

緜蠻

瓠葉

漸漸之石

苕之華

何草不黃

大雅三

文王之什

十三之一  
十三篇

文王

大明

緜

棫樸

旱麓

思齊

皇矣

靈臺

下武 文王有聲

生民之什 三之二 十篇

生民 文王行葦 既醉 鳧鷖

假樂 公劉 河酌 卷阿

民勞 華 板

蕩之什 三之三 十一篇

蕩 抑 桑柔 雲漢

崧高 烝民 韓奕 江漢

常武 瞻卬 召旻

頌四

周頌清廟之什 四之一 十篇

清廟 維天之命 維清 烈文

天作 昊天有成命 我將

時邁 執競 思文

周頌臣工之什 四之二 十篇

臣工 噫嘻 振鷺 豐年

有瞽 潛 雝 載見

有客 武

周頌閔予小子之什四之三十一篇

閔予小子訪落敬之小毖

載芟良耜絲衣酌

桓賚般

魯頌四之四

駟有駉泮水閟宮

商頌四之五

那烈祖玄鳥長發

殷武四目錄終

詩經

國風一

周南一之一

關關雎鳩在河之洲窈窕淑女君子好逑○參差

荇菜左右流之窈窕淑女寤寐求之求之不得寤

寐思服悠哉悠哉輾轉反側○參差荇菜左右采

之窈窕淑女琴瑟友之參差荇菜左右芣之窈窕

淑女鐘鼓樂之

關雎三章一章四句二章章八句

流順流取之也

芣熟而薦之也

單延也

私熱服衣禮服

應墮罷不升高

玄黃病極而變也

瘡痛共病也吁憂歎也

葛之單兮。施于中谷。維葉萋萋。黃鳥于飛。集于灌木。其鳴喈喈。○葛之單兮。施于中谷。維葉莫莫。是刈是濩。為絺為綌。服之無斃。○言告師氏。言告言歸。薄汚我私。薄澣我衣。害澣害否。歸寧父母。

葛單三章章六句

采采卷耳。不盈頃筐。嗟我懷人。寘彼周行。○陟彼崔嵬。我馬虺隤。隤我姑酌。彼金罍。維以不永懷。○陟彼高岡。我馬玄黃。我姑酌彼兕觥。維以不永傷。○陟彼砠矣。我馬瘠矣。我僕痡矣。云何吁矣。

卷耳四章章四句

南有樛木。葛藟纍之。樂只君子。福履綏之。○南有樛木。葛藟荒之。樂只君子。福履將之。○南有樛木。葛藟綰之。樂只君子。福履成之。

樛木三章章四句

螽斯羽。詵詵兮。宜爾子孫。振振兮。○螽斯羽。薨薨兮。宜爾子孫。繩繩兮。○螽斯羽。揖揖兮。宜爾子孫。蛰蛰兮。

螽斯三章章四句

桃之夭夭灼灼其華之子于歸宜其室家○桃之  
夭夭有蕢其實之子于歸宜其家室○桃之夭夭  
其葉蓁蓁之子于歸宜其家人

桃夭三章章四句

肅肅兔置椽之丁丁赳赳武夫公侯干城○肅肅  
兔置施于中逵赳赳武夫公侯好仇○肅肅兔置  
施于中林赳赳武夫公侯腹心

兔置三章章四句

采采芣苢薄言采之采采芣苢薄言有之○采采

掇拾也將亦取也

結執社以貯也禩以社帶間以貯之也

泳潛行也方梓也

秣飼也

芣苢薄言掇之采采芣苢薄言將之○采采芣苢  
薄言結之采采芣苢薄言禩之

芣苢三章章四句

南有喬木不可休息漢有游女不可求思漢之廣  
矣不可泳思江之永矣不可方思○翹翹錯薪言  
刈其楚之子于歸言秣其馬漢之廣矣不可泳思  
江之永矣不可方思○翹翹錯薪言刈其萋之子  
于歸言秣其駒漢之廣矣不可泳思江之永矣不

可方思

漢廣三章章八句

怒飢意謂一作輜重也

遵彼汝墳伐其條枚未見君子怒如調飢○遵彼

頽赤也

汝墳伐其條肄既見君子不我遐棄○魴魚頽尾

燬焚也

王室如燬雖則如燬父母孔邇

汝墳三章章四句

定額也

麟之趾振振公子于嗟麟兮○麟之定振振公姓

于嗟麟兮○麟之角振振公族于嗟麟兮

麟之趾三章章三句

召南一之二

百兩百車也

維鵲有巢維鳩居之之子于歸百兩御之○維鵲

方之有之也

有巢維鳩方之之子于歸百兩將之○維鵲有巢

維鳩盈之之子于歸百兩成之

鵲巢三章章四句

于以采芣于沼于沚于以用之公侯之事○于以

采芣于澗之中于以用之公侯之宮○被之僮僮

夙夜在公被之祁祁薄言還歸

采芣三章章四句

被首飾也僮僮疎敬也祁祁舒遲良

嘒嘒草蟲趯趯阜螽未見君子憂心忡忡亦既見

嘒嘒聲也趯趯躍自



止亦既覲止我心則降○陟彼南山言采其蔎未見君子憂心惓惓亦既見止亦既覲止我心則說○陟彼南山言采其蔎未見君子我心傷悲亦既見止亦既覲止我心則夷

草蟲三章章七句

于以采蘋南澗之濱于以采藻于彼行潦○于以盛之維筐及筥于以湘之維錡及釜○于以奠之宗室牖下誰其尸之有齊季女

采蘋三章章四句

蔽芾甘棠勿剪勿伐召伯所茇○蔽芾甘棠勿剪勿敗召伯所憩○蔽芾甘棠勿剪勿拜召伯所說

甘棠三章章三句

厭浥行露豈不夙夜謂行多露○誰謂雀無角何以穿我屋誰謂女無家何以速我獄雖速我獄室家不足○誰謂鼠無牙何以穿我墉誰謂女無家何以速我訟雖速我訟亦不女從

行露三章一章三句二章章六句

羔羊之皮素絲五紵退食自公委蛇委蛇○羔羊

詩經

卷四

五

葦草舍也

拜屈也

厭浥濕意

絕未詳蓋以絲飾裘也委蛇自得之貌

絳之聲  
也

之葦素絲五絨委蛇委蛇自公退食○羔羊之縫  
素絲五總委蛇委蛇退食自公

羔羊三章章四句

斯上此人  
也下此所

殷其雷在南山之陽何斯違斯莫敢或遑振振君  
子歸哉歸哉○殷其雷在南山之側何斯違斯莫  
敢遑息振振君子歸哉歸哉○殷其雷在南山之  
下何斯違斯莫或遑處振振君子歸哉歸哉

殷其雷三章章六句

頊音傾  
墜也

標有梅其實七兮求我庶士迨其吉兮○標有梅

頊音傾  
墜也

其實三兮求我庶士迨其今兮○標有梅頊筐墜  
之求我庶士迨其謂之

標有梅三章章四句

微兒

嘒彼小星三五在東肅肅宵征夙夜在公寔命不  
同○嘒彼小星維參與昴肅肅宵征抱衾與裯寔  
命不猶

小星三章章五句

江有汜之子歸不我以不我以其後也悔○江有  
渚之子歸不我與不我與其後也處○江有沔之

子歸不我過不我過其嘯也歌

江有汜三章章五句

野有死麕白茅包之有女懷春吉士誘之○林有  
樸檉野有死鹿白茅純束有女如玉○舒而脫脫  
兮無感我悅兮無使尫也吠

樸檉小木也脫脫舒也尫犬也

野有死麕三章二章章四句一章三句

何彼穠矣唐棣之華曷不肅雝王姬之車○何彼  
穠矣萃如桃李平王之孫齊侯之子○其釣維何  
維絲伊緡齊侯之子平王之孫

穠盛也肅敬和也

何彼穠矣三章章四句

彼茁者葭壹發五豝于嗟乎騶虞○彼茁者蓬壹  
發五豝于嗟乎騶虞

茁生出壯盛之貌發發矢也

騶虞二章章三句

邶一之三

微非也

汎彼柏舟亦汎其流耿耿不寐如有隱憂微我無  
酒以敖以遊○我心匪鑿不可以茹亦有兄弟不  
可以據薄言往愬逢彼之怒○我心匪石不可轉  
也我心匪席不可卷也威儀棣棣不可選也○憂

茹度也

辟拊心也  
擗拊心貌

心悄悄。愠于群小。覲閔既多。受侮不少。靜言思之。寤辟有標。○日居月諸。胡迭而微。心之憂矣。如匪

柏舟五章章六句

澣衣。靜言思之。不能奮飛。  
綠兮衣兮。綠衣黃裳。心之憂矣。曷維其已。○綠兮  
衣兮。綠衣黃裳。心之憂矣。曷維其亡。○綠兮絲兮。  
女所治兮。我思古人。俾無訖兮。○絺兮綌兮。淒其  
以風。我思古人。實獲我心。

綠衣四章章四句

古之為言  
也

就音尤過  
也

差池不齊  
之危

飛而上曰  
頡飛而下  
曰頡

以恩相信  
曰任。塞實  
淵深。濕和  
惠順。淑善  
勗勉也。

逆發語辭

燕燕于飛。差池其羽。之子于歸。遠送于野。瞻望弗  
及。泣涕如雨。○燕燕于飛。頡之頡之。之子于歸。遠  
于將之。瞻望弗及。佇立以泣。○燕燕于飛。下上其  
音。之子于歸。遠送于南。瞻望弗及。實勞我心。○仲  
氏任之。其心塞淵。終溫且惠。淑慎其身。先君之思。  
以勗寡人。

燕燕四章章六句

日居月諸。照臨下土。乃如之人兮。逝不古處。胡能  
有定寧。不我顧。○日居月諸。下土是冒。乃如之人

今逝不相好胡能有定寧不我報○日居月諸出  
自東方乃如之人兮德音無良胡能有定俾也可  
忘○日居月諸東方自出父兮母兮畜我不卒胡  
能有定報我不述

述猶也

日月四章章六句

終風且暴顧我則笑謔浪笑敖中心是悼○終風  
且霾惠然肯來莫往莫來悠悠我思○終風且暘  
不日有暘寤言不寐願言則嚏○暘暘其陰虺虺  
其雷寤言不寐願言則懷

霾雨土蒙  
暘陰而風  
也  
寤也  
也

終風四章章四句

擊鼓其鏜踴躍用兵土國城漕我獨南行○從孫  
子仲平陳與宋不我以歸憂心有忡○爰居爰處  
爰喪其馬于以求之于林之下○死生契闊與子  
成說執子之手與子偕老○于嗟闊兮不我活兮  
于嗟洵兮不我信兮

王土功也

契闊隔遠  
之意

洵信也信  
與仲同

擊鼓五章章四句

凱風自南吹彼棘心棘心夭夭母氏劬勞○凱風  
自南吹彼棘薪母氏聖善我無令人○爰有寒泉

在浚之下有子七人母氏勞苦○睨皖黃鳥載好  
其音有子七人莫慰母心

凱風四章章四句

雄雉于飛泄泄其羽我之懷矣自詒伊阻○雄雉  
于飛下上其音展矣君子實勞我心○瞻彼日月  
悠悠我思道之云遠曷云能來○百爾君子不知  
德行不忒不求何用不臧

雄雉四章章四句

匏有苦葉濟有深涉深則厲淺則揭○有彌濟盈

有鸛雉鳴濟盈不濡軌雉鳴求其牡○雝雝鳴鴈  
旭日始旦士如歸妻迨冰未泮○招招舟子人涉  
卬否人涉卬否卬須我友

匏有苦葉四章章四句

習習谷風以陰以雨黽勉同心不宜有怒采葑采  
菲無以下體德音莫違及爾同死○行道遲遲中  
心有違不遠伊邇薄送我畿誰謂荼苦其甘如齊  
宴爾新昏如兄如弟○涇以渭濁湜湜其沚宴爾  
新昏不我屑以毋逝我梁毋發我笱我躬不閱遑

詩經

卷二

屬也梁  
也也  
也也  
也也

以承涉日  
也也

也也

也也

情養也

鞠窮也言  
笑言聚也  
流武也流  
怒色也

聲勞也聲  
慙也

微猶衰也

恤我後○就其深矣方之舟之就其淺矣泳之游  
之何有何亡黽勉求之凡民有喪匍匐救之○不  
我能愔反以我為讎既阻我德費用不售昔育恐  
育鞠及爾顛覆既生既育比予于毒○我有旨蓄  
亦以御冬宴爾新昏以我御窮有泂有潰既詒我  
肄不念昔者伊余來墜

谷風六章章八句

式微式微胡不歸微君之故胡為乎中露○式微  
式微胡不歸微君之躬胡為乎泥中

式微二章章四句

旄丘之葛兮何誕之節兮叔兮伯兮何多日也○  
何其處也必有與也何其久也必有以也○狐裘  
蒙戎匪車不東叔兮伯兮靡所與同○瑣兮尾兮  
流離之子叔兮伯兮褒如充耳

旄丘四章章四句

簡兮簡兮方將萬舞日之方中在前上處○碩人  
俱俱公庭萬舞有力如虎執轡如組○左手執籥  
右手秉翟赫如渥赭公言錫爵○山有榛隰有苓

美音憚閑  
也

蒙戎亂貌  
瑣細尾末  
也

褒多笑兒

如渥赭言  
顏色之充  
盛也

言齋  
云誰之思西方美人彼美人兮西方之人兮

簡兮四章三章章四句一章六句

惇彼泉水亦流于淇有懷于衛靡日不思變彼諸  
姬聊與之謀○出宿于泚飲餞于禰女子有行遠  
父母兄弟問我諸姑遂及伯姊○出宿于干飲餞  
于言載脂載牽還車言邁適臻于衛不瑕有害○  
我思肥泉茲之永歎思須與漕我心悠悠駕言出  
遊以寫我憂

泉水四章章六句

蘇韓也瑕  
何古音通

厚也

出自北門憂心殷殷終窶且貧莫知我艱已焉哉  
天實為之謂之何哉○王事適我政事一埤益我  
我入自外室人交徧譴我已焉哉天實為之謂之  
何哉○王事敦我政事一埤遺我我入自外室人  
交徧摧我已焉哉天實為之謂之何哉

北門三章章七句

虛宛貌邪  
音徐亟急  
也

北風其涼雨雪其雱惠而好我攜手同行其虛其  
邪既亟只且○北風其喈雨雪其霏惠而好我攜  
手同歸其虛其邪既亟只且○莫赤匪狐莫黑匪



言類  
鳥惠而好我攜手同車其虛其邪既亟只且

北風三章章六句

靜女其姝俟我於城隅愛而不見搔首踟躕○靜  
女其變貽我彤管彤管有煒說懌女美○自牧歸  
蕘洵美且異匪女之為美美人之貽

靜女三章章四句

新臺有泚河水瀰瀰燕婉之求蘧蔕不鮮○新臺  
有洒河水浼浼燕婉之求蘧蔕不殄○魚網之設  
鴻則離之燕婉之求得此戚施

泚鮮明也  
蘧蔕不能  
俯疾之醜  
者也

戚施不能  
仰亦醜疾  
也

新臺三章章四句

二子乘舟汎汎其景願言思子中心養養○二子  
乘舟汎汎其逝願言思子不瑕有害

二子乘舟二章章四句

邶一之四

汎彼拍舟在彼中河髡彼兩髦實維我儀之死矢  
靡他母也天只不諒人只○汎彼拍舟在彼河側  
髡彼兩髦實維我特之死矢靡慝母也天只不諒  
人只

髡髮垂兒  
儀匹也矢  
誓之至也

特亦匹隱  
邪也

柏舟二章章七句

牆有茨不可埽也。中冓之言不可道也。所可道也。言之醜也。○牆有茨不可襄也。中冓之言不可詳也。所可詳也。言之長也。○牆有茨不可束也。中冓之言不可讀也。所可讀也。言之辱也。

襄除也

牆有茨三章章六句

君子偕老。副笄六珈。委委佗佗如山。如河象服。是宜子之不淑。云如之何。○玼兮玼兮。其之翟也。鬢髮如雲。不屑髢也。玉之瑱也。象之栴也。揚且之皙也。胡然而天也。胡然而帝也。○瑳兮瑳兮。其之展也。蒙彼縹緜。是絀衿也。子之清揚。揚且之顏也。展如之人兮。邦之媛也。

副祭服之首飾也。以玉加於笄而為飾也。委委佗佗。形容自得之貌。象服。法度之服。翟。翟服也。鬢。髮也。真。髮也。栴。髮也。揚。所以上也。

展。展衣也。縹。縹緜也。之。髮也。者。絀。絀束也。意。清視清也。明也。顏。頰也。豐。滿也。展。誠也。美。女曰媛。

君子偕老三章一章七句一章九句一章八句  
 爰采唐矣。沫之鄉矣。云誰之思。美孟姜矣。期我乎桑中。要我乎上宮。送我乎淇之上矣。○爰采芣苢矣。沫之東矣。云誰之思。美孟庸矣。期我乎桑中。要我乎上宮。送我乎淇之上矣。○爰采葑矣。沫之東矣。云誰之思。美孟庸矣。期我乎桑中。要我乎上宮。送我乎淇之上矣。

我乎淇之上矣

桑中三章章七句

鶉之奔奔鶉之疆疆人之無良我以為兄○鶉之疆疆鶉之奔奔人之無良我以為君

鶉之奔奔二章章四句

定之方中作于楚宮揆之以日作于楚室樹之榛栗椅桐梓漆爰伐琴瑟○升彼虛矣以望楚矣望

楚與堂景山與京降觀于桑卜云其吉終焉允臧

○靈雨既零命彼倌人星言夙駕說于桑田匪直

定營室星也

景測景以正方面也

倌人主駕者也

也人秉心塞淵騅牝三千

定之方中三章章七句

蝮蝮在東莫之敢指女子有行遠父母兄弟○朝

濟于西崇朝其雨女子有行遠兄弟父母○乃如

之人也懷昏姻也大無信也不知命也

蝮蝮三章章四句

相鼠有皮人而無儀人而無儀不死何為○相鼠有齒人而無止人而無止不死何俟○相鼠有體

人而無禮人而無禮胡不遄死

寺經

卷上

五

馬七尺以上為騅

蝮蝮虹也

崇終也

相鼠三章章四句

子子干旄在浚之郊素絲紕之良馬四之彼姝者  
子何以畀之○子子干旟在浚之都素絲組之良  
馬五之彼姝者子何以予之○子子干旌在浚之  
城素絲祝之良馬六之彼姝者子何以告之

干旄三章章六句

載馳載驅歸唁衛侯驅鳥悠悠言至於漕大夫跋  
涉我心則憂○旣不我嘉不能旋反視爾不臧我  
思不遠旣不我嘉不能旋濟視爾不臧我思不閔

紕織組也

祝屬也

弔失國曰  
咭草行曰  
跋水行曰  
涉

也  
閔閉也止

行道也

控持而告  
之也

○陟彼阿丘言采其蟲女子善懷亦各有行許人  
尤之衆穉且狂○我行其野芄芄其麥控于大邦  
誰因誰極大夫君子無我有尤百爾所思不如我  
所之

載馳四章二章章六句二章章八句

衛一之五

瞻彼淇奧綠竹猗猗有匪君子如切如磋如琢如  
磨瑟兮僖兮赫兮咺兮有匪君子終不可諼兮○  
瞻彼淇奧綠竹青青有匪君子充耳琇瑩會弁如

匪與斐通  
文章著見  
之貞  
瑟矜莊貌  
備威嚴貌  
諼忘也  
充耳瑱也  
琇瑩美石  
也

重較卿士之車也

考成也槃盤桓之意

過亦寬大之意

輶盤桓不行之意

星瑟兮僎兮。赫兮咷兮。有匪君子。終不可諼兮。○  
瞻彼淇奧。綠竹如簣。有匪君子。如金如錫。如圭如璧。寬兮綽兮。猗重較兮。善戲謔兮。不為虐兮。

淇奧三章章九句

考槃在澗。碩人之寬。獨寐寤言。永矢弗諼。○考槃在阿。碩人之邁。獨寐寤歌。永矢弗過。○考槃在陸。碩人之軸。獨寐寤宿。永矢弗告。

考槃三章章四句

碩人其頤。衣錦褰衣。齊侯之子。衛侯之妻。東宮之

妻之姊妹曰媵姊妹之夫曰私情也輔之美也盼黑自分明也憤鑣飾也

媵邢侯之媵。譚公維私。○手如柔荑。膚如凝脂。領如蝤蛴。齒如瓠犀。螓首蛾眉。巧笑倩兮。美目盼兮。○碩人敖敖。說于農郊。四牡有騶。朱幘鑣鑣。翟弗以朝。大夫夙退。無使君勞。○河水洋洋。北流活活。施罝濊濊。鱸鮪發發。葭揭揭。庶姜孽孽。庶士有揭。

碩人四章章七句

氓之蚩蚩。抱布貿絲。匪來貿絲。來即我謀。送子涉淇。至于頓丘。匪我愆期。子無良媒。將子無怒。秋以

氓民也留買也

為期○乘彼坵垣以望復關不見復關泣涕漣漣  
既見復關載笑載言爾卜爾筮體無咎言以爾車  
來以我賄遷○桑之未落其葉沃若于嗟鳩兮無  
食桑甚于嗟女兮無與士耽士之耽兮猶可說也  
女之耽兮不可說也○桑之落矣其黃而隕自我  
徂爾三歲食貧淇水湯湯漸車帷裳女也不爽士  
貳其行士也罔極二三其德○三歲為婦靡室勞  
矣夙興夜寐靡有朝矣言既遂矣至于暴矣兄弟  
不知啞其笑矣靜言思之躬自悼矣○及爾偕老

桑甚矣也

爽也

五音韻

淮也

老使我怨淇則有岸隰則有泮總角之宴言笑晏  
晏信誓旦旦不思其反及是不思亦已焉哉

氓六章章十句

籊籊竹竿以釣于淇豈不爾思遠莫致之○泉源  
在左淇水在右女子有行遠父母兄弟○淇水在  
右泉源在左巧笑之瑤佩玉之儺○淇水悠悠檜  
楫松舟駕言出遊以寫我憂

竹竿四章章四句

芄蘭之支童子佩觿雖則佩觿能不我知容兮遂

支枝同觿  
錐也所以  
解結

瑤笑而見  
齒其色瑤  
然儺行有  
度也

詩經

卷上

七

鞞決也所  
以鉤弦聞  
體甲長也

兮垂帶悸兮○芄蘭之葉童子佩鞞雖則佩鞞能  
不我甲容兮遂兮垂帶悸兮

杭度也

芄蘭二章章六句

誰謂河廣一葦杭之誰謂宋遠跂予望之○誰謂  
河廣曾不容刀誰謂宋遠曾不崇朝

小飲曰刀

河廣二章章四句

伯兮揭兮邦之桀兮伯也執殳為王前驅○自伯  
之東首如飛蓬豈無膏沐誰適為容○其雨其雨  
杲杲出日願言思伯甘心首疾○焉得諼草言樹

適主也

痲病也

之背願言思伯使我心痲

伯兮四章章四句

石絕水曰  
梁

有狐綏綏有彼淇梁心之憂矣之子無裳○有狐

廣深水可  
涉之也

綏綏在彼淇厲心之憂矣之子無帶○有狐綏綏

在彼淇側心之憂矣之子無服

有狐三章章四句

投我以木瓜報之以瓊琚匪報也永以為好也○

投我以木桃報之以瓊瑤匪報也永以為好也○

投我以木李報之以瓊玖匪報也永以為好也

木瓜三章章四句

王之一之六

彼黍離離。彼稷之苗。行邁靡靡。中心搖搖。知我者  
 謂我心憂。不知我者。謂我何求。悠悠蒼天。此何人  
 哉。○彼黍離離。彼稷之穗。行邁靡靡。中心如醉。知  
 我者。謂我心憂。不知我者。謂我何求。悠悠蒼天。此  
 何人哉。○彼黍離離。彼稷之實。行邁靡靡。中心如  
 噎。知我者。謂我心憂。不知我者。謂我何求。悠悠蒼  
 天。此何人哉。

黍離三章章十句

君子于役。不知其期。曷至哉。雞棲于埘。日之夕矣。  
 羊牛下來。君子于役。如之何。勿思。○君子于役。不  
 日不月。曷其有佸。雞棲于桀。日之夕矣。牛羊下括。  
 君子于役。苟無飢渴。

君子于役二章章八句

君子陽陽。左執簧。右招我由房。其樂只且。○君子  
 陶陶。左執翾。右招我由敖。其樂只且。

君子陽陽二章章四句

笙簧皆謂  
之簧

翻舞人所  
持者故舞  
位也

雞埘而棲  
日埘

佸會也樂  
我也括至  
也



揚之水不流束薪彼其之子不與我戍申懷哉懷哉曷月予還歸哉○揚之水不流束楚彼其之子不與我戍甫懷哉懷哉曷月予還歸哉○揚之水不流束蒲彼其之子不與我戍許懷哉懷哉曷月予還歸哉

揚之水三章章六句

中谷有推嘆其乾矣有女仳離嘒其嘆矣嘒其嘆矣遇人之艱難矣○中谷有推嘆其修矣有女仳離條其歎矣條其歎矣遇人之不淑矣○中谷有推嘆其濕矣有女仳離啜其泣矣啜其泣矣何嗟及矣

中谷有推三章章六句

有兔爰爰雉離于羅我生之初尚無爲我生之後逢此百罹尚寐無吽○有兔爰爰雉離于罟我生之初尚無造我生之後逢此百憂尚寐無覺○有兔爰爰雉離于罟我生之初尚無庸我生之後逢此百凶尚寐無聰

兔爰三章章七句

天子亦色  
大夫之服

緜緜葛藟在河之許終遠兄弟謂他人父謂他人  
父亦莫我顧○緜緜葛藟在河之涘終遠兄弟謂  
他人母謂他人母亦莫我有○緜緜葛藟在河之  
涘終遠兄弟謂他人昆謂他人昆亦莫我聞

葛藟三章章六句

彼采葛兮一日不見如三月兮○彼采蕭兮一日  
不見如三秋兮○彼采艾兮一日不見如三歲兮

采葛三章章三句

大車檻檻毳衣如綦豈不爾思畏子不敢○大車

瑞玉赤色  
穀生也  
皦白也

噶噶毳衣如璫豈不爾思畏子不奔○穀則異室  
死則同穴謂予不信有如皦日

大車三章章四句

丘中有麻彼留子嗟彼留子嗟將其來施施○丘  
中有麥彼留子國彼留子國將其來食○丘中有  
李彼留之子彼留之子貽我佩玖

丘中有麻三章章四句

鄭一之七

緜衣之宜兮敝予又改爲兮適子之館兮還予授

詩經

卷七

七

祭服也

蕭大也

子之祭兮○緇衣之好兮○敝予又改造兮○適子之館兮○還予授子之祭兮○緇衣之蕭兮○敝予又改作兮○適子之館兮○還予授子之祭兮

緇衣三章章四句

將仲子兮○無踰我里○無折我樹杞○豈敢愛之○畏我父母○仲可懷也○父母之言○亦可畏也○將仲子兮○無踰我牆○無折我樹桑○豈敢愛之○畏我諸兄○仲可懷也○諸兄之言○亦可畏也○將仲子兮○無踰我園○無折我樹檀○豈敢愛之○畏人之多言○仲可懷也○人之多言○亦可畏也

將仲子三章章八句

叔于田○巷無居人○豈無居人○不如叔也○洵美且仁○叔于狩○巷無飲酒○豈無飲酒○不如叔也○洵美且好○叔適野○巷無服馬○豈無服馬○不如叔也○洵美且武

叔于田三章章五句

叔于田○乘乘馬○執轡如組○兩驂如舞○叔在藪○火烈具舉○禮褻暴虎○馘于公所○將叔無狃○戒其傷女○

檀楊肉袒也暴空手搏獸也

詩經

卷上

三

忌抑皆語  
助辭騎馬  
曰磬止馬  
曰控會披  
曰縱送馬  
曰送  
驪白雜毛  
曰鴛  
也也轂同  
弓囊也

叔于田乘乘黃兩服上襄兩驂鴈行叔在藪火烈  
具揚叔善射忌又良御忌抑磬控忌抑縱送忌○  
叔于田乘乘鴝兩服齊首兩驂如手叔在藪火烈  
具阜叔馬慢忌叔發罕忌抑釋棚忌抑鬯弓忌

大叔于田三章章十句

清人在彭駟介旁旁二矛重英河上乎翱翔○清  
人在消駟介庶庶二矛重喬河上乎逍遙○清人  
在軸駟介陶陶左旋右抽中軍作好

清人三章章四句

羔裘如濡洵直且侯彼其之子舍命不渝○羔裘  
豹飾孔武有力彼其之子邦之司直○羔裘晏兮  
三英粲兮彼其之子邦之彥兮

羔裘三章章四句

遵大路兮摻執子之祛兮無我惡兮不寔故也○  
遵大路兮摻執子之手兮無我醜兮不寔好也

遵大路二章章四句

女曰雞鳴士曰昧旦子興視夜明星有爛將翱將  
翔弋鳧與鴈○弋言加之與子宜之宜言飲酒與

侯美也舍  
處也

彥士之美  
稱

摻擊也寔  
速也

加中也宜  
和其所宜  
也

頌愛也

子偕老琴瑟在御莫不靜好○知子之來之雜佩以贈之知子之順之雜佩以問之知子之好之雜佩以報之

女曰雞鳴三章章六句

有女同車顏如舜華將翱將翔佩玉瓊琚彼美孟姜洵美且都○有女同行顏如舜英將翱將翔佩玉將將彼美孟姜德音不忘

有女同車二章章六句

山有扶蘇隰有荷華不見子都乃見狂且○山有

校童校會之小兒也

橋松隰有游龍不見子充乃見校童

山有扶蘇二章章四句

檇兮檇兮風其吹女叔兮伯兮倡予和女○檇兮檇兮風其漂女叔兮伯兮倡予要女

要成也

檇兮二章章四句

彼校童兮不與我言兮維子之故使我不能餐兮

惠安也

○彼校童兮不與我食兮維子之故使我不能息兮

校童二章章四句

詩經

卷七

三五

言終

子惠思我。褰裳涉溱。子不我思。豈無他人。狂童之  
狂也。且○子惠思我。褰裳涉洧。子不我思。豈無他  
士。狂童之狂也。且

褰裳二章章五句

子之丰兮。俟我乎巷兮。悔予不送兮。○子之昌兮。  
俟我乎堂兮。悔予不將兮。○衣錦褻衣裳。錦褻裳。叔  
兮伯兮。駕予與行。○裳錦褻衣裳。衣錦褻衣。叔兮伯兮。  
駕予與歸。

丰四章二章章三句二章章四句

墀除地町  
町者

東門之墀。茹蘆在阪。其室則邇。其人甚遠。○東門  
之栗。有踐家室。豈不爾思。子不我即。

東門之墀二章章四句

風雨凄凄。雞鳴喈喈。既見君子。云胡不夷。○風雨  
瀟瀟。雞鳴膠膠。既見君子。云胡不瘳。○風雨如晦。  
雞鳴不已。既見君子。云胡不喜。

風雨三章章四句

青青子衿。悠悠我心。縱我不往。子寧不嗣音。○青  
青子佩。悠悠我思。縱我不往。子寧不來。○挑兮達

挑輕佻跳  
躍之貌達  
放恣也

詩經

卷上

三

兮在城闕兮一日不見如三月兮

子衿三章章四句

揚之水不流束楚終鮮兄弟維予與女無信人之  
言人實廷女○揚之水不流束薪終鮮兄弟維予  
二人無信人之言人實不信

揚之水二章章六句

出其東門有女如雲雖則如雲匪我思存縞衣綦  
巾聊樂我員○出其闔閭有女如荼雖則如荼匪  
我思且縞衣茹蘆聊可與娛

縞白色綦  
蒼文色  
闔曲城闕  
城臺也  
茹蘆可以  
塗絳故以  
名衣服之  
色

出其東門二章章六句

野有蔓草零露漙漙兮有美一人清揚婉兮邂逅相  
遇適我願兮○野有蔓草零露漙漙有美一人婉  
如清揚邂逅相遇與子偕臧

野有蔓草二章章六句

溱與洧方渙渙兮士與女方秉簡兮女曰觀乎士  
曰既且且往觀乎洧之外洵訏且樂維士與女伊  
其相詭贈之以芍藥○溱與洧瀏其清矣士與女  
殷其盈矣女曰觀乎士曰既且且往觀乎洧之外

邂逅不期  
而會也

言終  
洵訐且樂維士與女伊其將謔贈之以勺藥

溱洧二章章十二句

齊一之八

雞既鳴矣朝既盈矣匪雞則鳴蒼蠅之聲○東方明矣朝既昌矣匪東方則明月出之光○蟲飛薨薨甘與子同夢會且歸矣無庶予子憎

甘樂也會朝會也

雞鳴三章章四句

子之還兮遭我乎貉之間兮並驅從兩肩兮揖我謂我儂兮○子之茂兮遭我乎貉之道兮並驅從

便利也

兩牡兮揖我謂我好兮○子之昌兮遭我乎貉之陽兮並驅從兩狼兮揖我謂我臧兮

還三章章四句

俟我於著乎而充耳以素乎而尚之以瓊華乎而○俟我於庭乎而充耳以青乎而尚之以瓊瑩乎而○俟我於堂乎而充耳以黃乎而尚之以瓊英乎而

著三章章三句

東方之日兮彼姝者子在我室兮在我室兮履我



言終  
卷一  
卽兮○東方之月兮彼姝者子在我闈兮在我闈兮履我發兮

東方之日二章章五句

東方未明顛倒衣裳顛之倒之自公召之○東方未晞顛倒裳衣倒之顛之自公令之○折柳樊圃狂夫瞿瞿不能晨夜不夙則莫

東方未明三章章四句

南山崔崔雄狐綏綏魯道有蕩齊子由歸既曰歸止曷又懷止○葛屨五兩冠綉雙止魯道有蕩齊

藝樹也

鞠窮也

子庸止既曰庸止曷又從止○藝麻如之何衡從其畝取妻如之何必告父母既曰告止曷又鞠止○折薪如之何匪斧不克取妻如之何匪媒不得既曰得止曷又極止

南山四章章六句

田謂耕治之也

無田甫田維莠騫騫無思遠人勞心忉忉○無田甫田維莠稂稂無思遠人勞心怛怛○婉兮孌兮總角卅兮未幾見兮突而弁兮

甫田三章章四句

詩經

卷一

三

盧田犬也  
重環子母  
環髮鬢鬢  
好貌  
重鑿一環  
貫二也  
多鬚之貌

言新  
盧令令其人美且仁○盧重環其人美且鬢○盧  
重鑿其人美且德

盧令三章章二句

敝笱在梁其魚魴鰈齊子歸止其從如雲○敝笱  
在梁其魚魴鱖齊子歸止其從如雨○敝笱在梁  
其魚唯唯齊子歸止其從如水

敝笱三章章四句

篋方丈席  
第車後戶  
也輶獸皮  
之去毛者  
發夕謂離  
於所宿之

載驅薄薄篋第朱韜魯道有蕩齊子發夕○四驪  
濟濟垂轡瀾瀾魯道有蕩齊子豈弟○汶水湯湯

行人彭彭魯道有蕩齊子翺翺○汶水滔滔行人  
儻儻魯道有蕩齊子遊敖

載驅四章章四句

猗嗟昌兮頎而長兮抑若揚兮美目揚兮巧趨踰  
兮射則臧兮○猗嗟名兮美目清兮儀既成兮終  
日射侯不出正兮展我甥兮○猗嗟變兮清揚婉  
兮舞則選兮射則貫兮四矢反兮以禦亂兮

猗嗟三章章六句

魏一之九

男及腰襟  
衣領也

言紉  
紉紉葛屨可以履霜。摻摻女手可以縫裳。要之襍  
之好人服之。○好人提提宛然左辟。佩其象揅維  
是褊心。是以爲刺。

葛屨二章一章六句一章五句

沮洳水浸  
地處下濕之

彼汾沮洳。言采其莫。彼其之子。美無度。美無度。殊  
異乎公路。○彼汾一方。言采其桑。彼其之子。美如  
英。美如英。殊異乎公行。○彼汾一曲。言采其芣。彼  
其之子。美如玉。美如玉。殊異乎公族。

汾沮洳三章章六句

殺食也

園有桃其實之殺。心之憂矣我歌且謔。不知我者  
謂我士也。驕彼人是哉。子曰何其心之憂矣。其誰  
知之。其誰知之。蓋亦勿思。○園有棘其實之食。心  
之憂矣。聊以行國。不知我者謂我士也。罔極彼人  
是哉。子曰何其心之憂矣。其誰知之。其誰知之。蓋  
亦勿思。

園有桃二章章十二句

上尚也

陟彼岵兮。瞻望父兮。父曰嗟予子。行役夙夜無已。  
上慎旃哉。猶來無止。○陟彼屺兮。瞻望母兮。母曰

詩經

卷二

三

嗟予<sup>カ</sup>季行<sup>レ</sup>役<sup>ニ</sup>夙夜無寐<sup>シ</sup>上慎旃<sup>ヲ</sup>哉猶來無棄<sup>ス</sup>○陟  
彼岡兮瞻望<sup>ス</sup>兄兮兄曰嗟予<sup>カ</sup>弟行<sup>レ</sup>役<sup>ニ</sup>夙夜必借<sup>ス</sup>上  
慎旃<sup>ヲ</sup>哉猶來無死<sup>ス</sup>

陟岵三章章六句

十畝之間兮桑者閑閑兮行與子還兮○十畝之  
外兮桑者泄泄兮行與子逝兮

十畝之間二章章三句

坎坎伐檀兮寘之河之干兮河水清且漣漪不稼  
不穡胡取禾三百廛兮不狩不獵胡瞻爾庭有縣

行猶將也

猶立言醫與  
兮同語詞  
也

直液故之  
直者

狙兮彼君子兮不素餐兮○坎坎伐輻兮寘之河  
之側兮河水清且直猗不稼不穡胡取禾三百億  
兮不狩不獵胡瞻爾庭有縣特兮彼君子兮不素  
食兮○坎坎伐輪兮寘之河之漘兮河水清且淪  
漪不稼不穡胡取禾三百困兮不狩不獵胡瞻爾  
庭有縣鷄兮彼君子兮不素殮兮

伐檀三章章九句

碩鼠碩鼠無食我黍三歲貫女莫我肯顧逝將去  
女適彼樂土樂土樂土爰得我所○碩鼠碩鼠無

貫立言慎稱  
也

直宜也

食我麥三歲貫女莫我肯德逝將去女適彼樂國  
樂國樂國爰得我直○碩鼠碩鼠無食我苗三歲  
貫女莫我肯勞逝將去女適彼樂郊樂郊樂郊誰  
之永號

碩鼠三章章八句

唐一之十

職主也

蟋蟀在堂歲聿其莫今我不樂日月其除無已大  
康職思其居好樂無荒良士瞿瞿○蟋蟀在堂歲  
聿其逝今我不樂日月其邁無已大康職思其外

備過也

好樂無荒良士蹶蹶○蟋蟀在堂役車其休今我  
不樂日月其慆無已大康職思其憂好樂無荒良  
士休休

蟋蟀三章章八句

妻亦曳也

考擊也

山有樞隰有榆子有衣裳弗曳弗婁子有車馬弗  
馳弗驅宛其死矣他人是愉○山有栲隰有杻子  
有廷內弗洒弗掃子有鐘鼓弗鼓弗考宛其死矣  
他人是保○山有漆隰有栗子有酒食何不日鼓  
瑟且以喜樂且以永日宛其死矣他人入室

山有樞三章章八句

揚之水白石鑿鑿素衣朱襮從子于沃既見君子  
云何不樂○揚之水白石皓皓素衣朱繡從子于  
鵠既見君子云何其憂○揚之水白石粼粼我聞  
有命不敢以告人

揚之水三章二章章六句一章四句

椒聊之實蕃衍盈升彼其之子碩大無朋椒聊且  
遠條且○椒聊之實蕃衍盈掬彼其之子碩大且  
篤椒聊且遠條且

聊且並詩

椒聊二章章六句

綢繆束薪三星在天今夕何夕見此良人子兮子  
兮如此良人何○綢繆束芻三星在隅今夕何夕  
見此邂逅子兮子兮如此邂逅何○綢繆束楚三  
星在戶今夕何夕見此粲者子兮子兮如此粲者  
何

綢繆三章章六句

有扶之杜其葉湑湑獨行踽踽豈無他人不如我  
同父嗟行之人胡不比焉人無兄弟胡不飲焉○

比補仗助

有扶之杜其葉菁菁獨行畏畏豈無他人不如我  
同姓嗟行之人胡不比焉人無兄弟胡不飲焉

扶杜二章章九句

羔裘豹袪自我人居居豈無他人維子之故○羔  
裘豹袪自我人究究豈無他人維子之好

羔裘二章章四句

肅肅鴉羽集于苞栩王事靡盬不能執耒黍稷父母  
何怙悠悠蒼天曷其有所○肅肅鴉翼集于苞棘  
王事靡盬不能執耒黍稷父母何食悠悠蒼天曷其

有極○肅肅鴉行集于苞桑王事靡盬不能執耒  
梁父母何嘗悠悠蒼天曷其有常

鴉羽三章章七句

豈曰無衣七兮不如子之衣安且吉兮○豈曰無  
衣六兮不如子之衣安且燠兮

無衣二章章三句

有扶之杜生于道左彼君子兮噬肯適我中心好  
之曷飲食之○有扶之杜生于道周彼君子兮噬  
肯來遊中心好之曷飲食之

曠發詩詞

周曲也

詩經

卷二

三

有杖之杜二章章六句

葛生蒙楚藂蔓于野予美亡此誰與獨處○葛生蒙棘藂蔓于域予美亡此誰與獨息○角枕粲兮錦衾爛兮予美亡此誰與獨旦○夏之日冬之夜百歲之後歸于其室○冬之夜夏之日百歲之後歸于其室

居墳墓也

室墳也

葛生五章章四句

采芩采芩首陽之巔人之爲言苟亦無信舍旃舍旃苟亦無然人之爲言胡得焉○采芩采芩首陽之巔人之爲言苟亦無與舍旃舍旃苟亦無然人之爲言胡得焉○采芩采芩首陽之巔人之爲言苟亦無從舍旃舍旃苟亦無然人之爲言胡得焉

與許也

之下人之爲言苟亦無與舍旃舍旃苟亦無然人之爲言胡得焉○采芩采芩首陽之東人之爲言苟亦無從舍旃舍旃苟亦無然人之爲言胡得焉

秦一之十一

有車鄰鄰有馬白顛未見君子寺人之令○阪有漆隰有栗既見君子並坐鼓瑟今者不樂逝者其耄○阪有桑隰有楊既見君子並坐鼓簧今者不樂逝者其亡

六十曰耄



車肥大也  
媚子所親  
愛之人也  
時是辰時  
也  
舍捨拔夫  
括也  
檢歇驕皆  
田犬名  
伐淺收珍  
梁文章兒  
梁轉轉形  
如梁游環  
刺環骨  
當服馬骨  
外陰軌刺  
係驂頸沃  
金續陰板  
之飾文茵  
虎文輝  
長也  
龍首畫龍  
之盾也塗  
消白金沃  
灌也釃環  
之有舌也  
納驂內轡  
也

車鄰三章一章四句二章章六句

駟驥孔阜六轡在手公之媚子從公于狩○奉時  
辰牡辰牡孔碩公曰左之舍拔則獲○遊于北園  
四馬既閑輶車鸞鑣載檢歇驕

駟驥三章章四句

小戎伐收五檠梁轉游環脅驅陰勒塗續文茵暢  
轂駕我騏驎言念君子溫其如玉在其板屋亂我  
心曲○四牡孔阜六轡在手騏驎是中駟驪是驂  
龍盾之合塗以釃納言念君子溫其在邑方何為

期胡然我念之○伐駟孔羣九矛塗鐔蒙伐有苑  
虎韞鏤膺交鞮二弓竹閉緄滕言念君子載寢載  
興厭厭良人秩秩德音

小戎三章章十句

蒹葭蒼蒼白露為霜所謂伊人在水一方溯洄從  
之道阻且長溯游從之宛在水中央○蒹葭淒淒  
白露未晞所謂伊人在水之湄溯洄從之道阻且  
躋溯游從之宛在水中坻○蒹葭采采白露未已  
所謂伊人在水之涘溯洄從之道阻且右溯游從

之金為甲  
四馬也群  
和也  
三隅也  
下平  
虎蒙雜也  
伐盾之別  
名也充文  
貞虎張虎  
皮弓室也  
鏤鏤鏤金  
飾馬胸帶  
也交鞮交  
二弓閉弓  
緄緄滕繩  
約也

言  
之宛在水中央

兼葭三章章八句

終南何有有條有梅君子至止錦衣狐裘顏如渥  
丹其君也哉○終南何有有紀有堂君子至止黻  
衣繡裳佩玉將將壽考不忘

終南二章章六句

交交黃鳥止于棘誰從穆公子車奄息維此奄息  
百夫之特臨其穴惴惴其慄彼蒼者天殲我良人  
如可贖兮人百其身○交交黃鳥止于桑誰從穆

公子車仲行維此仲行百夫之防臨其穴惴惴其  
慄彼蒼者天殲我良人如可贖兮人百其身○交  
交黃鳥止于楚誰從穆公子車鍼虎維此鍼虎百  
夫之禦臨其穴惴惴其慄彼蒼者天殲我良人如  
可贖兮人百其身

黃鳥三章章十二句

旣彼晨風鬱彼北林未見君子憂心欽欽如何如  
何忘我實多○山有苞櫟隰有六駁未見君子憂  
心靡樂如何如何忘我實多○山有苞棣隰有樹

晨風鷓也

言終  
卷一  
三  
搔未見君子憂心如醉如何如何忘我實多

晨風三章章六句

豈曰無衣與子同袍王于興師修我戈矛與子同仇○豈曰無衣與子同澤王于興師修我矛戟與子偕作○豈曰無衣與子同裳王于興師修我甲兵與子偕行

無衣三章章五句

我送舅氏曰至渭陽何以贈之路車乘黃○我送舅氏悠悠我思何以贈之瓊瑰玉佩

渭陽三章章四句

於我乎夏屋渠渠今也每食無餘于嗟乎不承權輿○於我乎每食四簋今也每食不飽于嗟呼不承權輿

權輿三章章五句

陳一之十二

子之湯兮宛丘之上兮洵有情兮而無望兮○坎其擊鼓宛丘之下無冬無夏值其鷺羽○坎其擊鼓宛丘之道無冬無夏值其鷺羽

鷺羽為鷺  
無者持以  
指麾也

宛丘三章章四句

東門之枌。宛丘之栩。子仲之子。婆娑其下。○穀且于差南方之原。不績其麻。市也婆娑。○穀且于逝。越以駸邁。視爾如莪。貽我握椒。

淫澤也

禮象也

東門之枌三章章四句

衡門之下。可以棲遲。泌之洋洋。可以樂飢。○豈其食魚。必河之魴。豈其取妻。必宋之子。○豈其食魚。必河之鯉。豈其取妻。必宋之子。

泌泉水也

衡門三章章四句

麗漬也

東門之池。可以沤麻。彼美淑姬。可與晤歌。○東門之池。可以沤紵。彼美淑姬。可與晤語。○東門之池。可以沤菅。彼美淑姬。可與晤言。

東門之池三章章四句

東門之楊。其葉牂牁。昏以為期。明星煌煌。○東門之楊。其葉肺肺。昏以為期。明星哲哲。

漸折也

誰昔猶時音也

東門之楊二章章四句

墓門有棘。斧以斯之。夫也不良。國人知之。知而不已。誰昔然矣。○墓門有梅。有鸚萃止。夫也不良。歌

以訊之訊予木顧顛倒思予

墓門二章章六句

防有鵲巢邛有旨苕誰俯予美心焉怵怵○中唐  
有甍邛有旨鷓誰俯予美心焉惕惕

防有鵲巢二章章四句

月出皎兮佼人僚兮舒窈窕兮勞心悄兮○月出  
皓兮佼人慍兮舒憂受兮勞心慄兮○月出照兮  
佼人燎兮舒夭紹兮勞心慘兮

月出三章章四句

胡為乎株林從夏南匪適株林從夏南○駕我乘  
馬說于株野乘我乘駒朝食于株

株林二章章四句

彼澤之陂有蒲與荷有美一人傷如之何寤寐無  
為涕泗滂沱○彼澤之陂有蒲與藺有美一人碩  
大且卷寤寐無為中心怡怡○彼澤之陂有蒲齒  
萑有美一人碩大且儼寤寐無為輾轉伏枕

澤陂三章章六句

檜一之十三

防捍水者  
邛丘俯仰  
張也  
唐廟中路  
甍鷓鷩小  
草也

佼人美人  
也窈窕幽  
遠也  
憂受憂患  
也  
大紹糾緊  
之意

羔裘逍遥狐裘以朝豈不爾思勞心忉忉○羔裘  
翱翔狐裘在堂豈不爾思我心憂傷○羔裘如膏  
日出有曜豈不爾思中心是悼

羔裘三章章四句

庶見素冠兮棘人欒欒兮勞心博博兮○庶見素  
衣兮我心傷悲兮聊與子同歸兮○庶見素韞兮  
我心蘊結兮聊與子如一兮

素冠三章章三句

隰有萋楚猗儺其枝天之沃沃樂子之無知○隰

棘急也疾  
速之狀

猗儺柔順  
也

有萋楚猗儺其華天之沃沃樂子之無家○隰有  
萋楚猗儺其實天之沃沃樂子之無室

隰有萋楚三章章四句

匪風發兮匪車偈兮顧瞻周道中心怛兮○匪風  
飄兮匪車嘌兮顧瞻周道中心弔兮○誰能亨魚  
漑之金鰲誰將西歸懷之好音

匪風三章章四句

曹一之十四

蜉蝣之羽衣裳楚楚心之憂矣於我歸處○蜉蝣

言絲 卷上  
之翼采采衣服心之憂矣於我歸息○蜉蝣堀閱  
麻衣如雪心之憂矣於我歸說

蜉蝣三章章四句

彼侯人兮何戈與殺彼其之子三百赤芾○維鷦  
在梁不濡其翼彼其之子不稱其服○維鷦在梁  
不濡其味彼其之子不遂其媾○蒼兮蔚兮南山  
朝濟婉兮變兮季女斯飢

侯人四章章四句

鷦鷯在桑其子七兮淑人君子其儀一兮其儀一

兮心如結兮○鷦鷯在桑其子在梅淑人君子其  
帶伊絲其帶伊絲其弁伊騏○鷦鷯在桑其子在  
棘淑人君子其儀不忒其儀不忒正是四國○鷦  
鷯在桑其子在榛淑人君子正是國人正是國人  
胡不萬年

鷦鷯四章章六句

冽彼下泉浸彼苞蕭愾我寤嘆念彼京周○冽彼  
下泉浸彼苞蕭愾我寤嘆念彼京周○冽彼下泉  
浸彼苞蕭愾我寤嘆念彼京師○芃芃黍苗陰雨

膏之四國有王郇伯勞之

下泉四章章四句

豳一之十五

七月流火九月授衣一之日鬻發二之日栗烈無衣無褐何以卒歲三之日于耜四之日舉趾同我婦子饁彼南畝田峻至喜○七月流火九月授衣春日載陽有鳴倉庚女執懿筐遵彼微行爰求柔桑春日遲遲采繁祁祁女心傷悲殆及公子同歸○七月流火八月萑葦蠶月條桑取彼斧斨以伐

火大火星  
威發風寒  
栗烈氣寒  
也  
于耜往修  
田器也  
始耕也  
始田也  
田大  
夫也

取葉存條  
曰荷

獲穫木之  
甲者也  
墜落也  
于絡往取  
狐貉也

穹空際室  
塞也向北  
出牖也  
進也

遠揚猗彼女桑七月鳴鵙八月載績載玄載黃我朱孔陽為公子裳○四月秀萼五月鳴蜩八月其獲十月隕穉一之日于貉取彼狐狸為公子裘二之日其同載績武功言私其豨獻豨于公○五月斯螽動股六月莎雞振羽七月在野八月在宇九月在戶十月蟋蟀入我牀下穹窒熏鼠塞向墜戶嗟我婦子曰為改歲入此室處○六月食鬱及薁七月亨葵及菽八月剝棗十月獲稻為此春酒以介眉壽七月食瓜八月斷壺九月叔苴采荼薪樗

詩經

豳一

四



同聚也

索紋綯也

凌陰冰室也

濂場農事畢而掃場地也兩等曰朋

關憂也

拊取也蓄積聚也

士事也蒸發語辭

可腫舍傍隙地也

食我農夫○九月築場圃十月納禾稼黍稷重穆  
 禾麻菽麥嗟我農夫我稼既同上入執宮功晝爾  
 于茅宵爾索綯亟其乘屋其始播百穀○二之日  
 鑿冰冲冲三之日納于凌陰四之日其蚤獻羔祭  
 韭九月肅霜十月滌場朋酒斯饗曰殺羔羊躋彼  
 公堂稱彼兕觥萬壽無疆

七月八章章十一句

鳴鴉鳴鴉既取我子無毀我室恩斯勤斯鸞子之  
 閔斯○迨天之未陰雨徹彼桑土綢繆牖戶兮女

下民或敢侮予○予手拮据予所捋荼予所蓄租  
 予口卒瘁曰予未有室家○予羽譙譙予尾條條  
 予室翹翹風雨所漂搖予維音嘒嘒

鳴鴉四章章五句

我徂東山惓惓不歸我來自東零雨其濛我東曰  
 歸我心西悲制彼裳衣勿士行枚蜩蝪者蠋烝在  
 桑野敦彼獨宿亦在車下○我徂東山惓惓不歸  
 我來自東零雨其濛果臝之實亦施于宇伊威在  
 室蠨蛸在戶町疇鹿場熠熠宵行不可畏也伊可

婦人之  
禮也

懷也○我徂東山，嗃嗃不歸。我來自東，零雨其濛。  
鸛鳴于垤，婦嘆于室。洒掃穹窒，我征聿至。有敦瓜  
苦，烝在栗薪。自我不見，于今三年。○我徂東山，嗃  
不歸。我來自東，零雨其濛。倉庚于飛，熠熠其羽。  
之子于歸，皇駁其馬。親結其縢，九十其儀。其新孔  
嘉，其舊如之何。

東山四章章十二句

既破我斧，又缺我斨。周公東征，四國是皇。哀我人  
斯，亦孔之將。○既破我斧，又缺我斨。周公東征，四

此化也

道飲而固  
之也

國是叱。哀我人斯，亦孔之嘉。○既破我斧，又缺我  
斨。周公東征，四國是遘。哀我人斯，亦孔之休。

破斧三章章六句

伐柯如何，匪斧不克。取妻如何，匪媒不得。○伐柯  
伐柯，其則不遠。我遘之子，邊豆有踐。

伐柯二章章四句

九罭之魚，鱗魴我覯。之子衮衣，繡裳。○鴻飛遵渚，  
公歸無所。於女信處。○鴻飛遵陸，公歸不復於女。  
信宿。○是以有衮衣兮，無以我公歸兮。無使我心

詩經

卷二

四

悲兮

九罭四章一章四句三章章三句

狼跋其胡載疋其尾公孫碩膚赤舄几几○狼疋

其尾載跋其胡公孫碩膚德音不瑕

狼跋二章章四句

胡領下懸肉也走鈴也燕讓也碩大膚美也

詩經卷之上終

